

Kunjungan Hormat daripada University College of Technology Sarawak (UCTS) ke SSMP

Wilter Kinsin



Tanggal 18 November 2013 satu delegasi daripada University College of Technology Sarawak (UCTS) telah membuat lawatan ke Sekolah Sains Makanan dan Pemakanan, Universiti Malaysia Sabah. Lawatan ini bertujuan untuk melihat bagaimana Sekolah Sains Makanan dan Pemakanan beroperasi dan fasiliti yang terdapat di SSMP.

Wakil Sekolah Sains Makanan dan Pemakanan terdiri daripada Dekan Sekolah Sains Makanan dan Pemakanan, Prof. Madya Dr. Sharifuddin Md. Shaarani, Timbalan Dekan (Akademik dan Hal Ehwal Pelajar) Dr. Mohd. Rosni Sulaiman dan Timbalan Dekan (Penyelidikan dan Inovasi) Dr. Lee Jau Shya diiringi oleh ketua-ketua program, penolong pendaftar, pegawai sains dan para pensyarah telah hadir untuk meraikan kedatangan para pelawat.

Acara dimulakan dengan pengenalan mengenai UCTS kepada kakitangan Sekolah Sains Makanan dan Pemakanan. Para pelawat kemudiannya dibawa melawat ke beberapa buah makmal Sekolah Sains Makanan dan



Pemakanan seperti kilang perintis di mana para pelajar dapat mempersiapkan diri untuk industri sebelum keluar ke dunia sebenar. Para pelawat diberi penerangan tentang fungsi kilang perintis dan peralatan yang terdapat di dalam kilang perintis dan peralatan dalam bidang penyelidikan Universiti Malaysia Sabah.

Para pelawat kemudiannya dibawa melawat ke makmal mikrobiologi untuk melihat kemudahan dan peranan yang dimainkan makmal tersebut dalam bidang kajian makanan.

Lawatan terakhir bagi delegasi UCTS adalah di makmal analisis di mana sebahagian besar penyelidikan yang dijalankan dalam makmal ini adalah berasaskan kajian protein (proximate). Para pelawat diberikan taklimat tentang alat yang digunakan untuk kajian proximate. Acara lawatan diakhiri dengan pemberian cenderamata kenang-kenangan daripada pihak Sekolah Sains Makanan dan Pemakanan kepada delegasi Universiti College of Technology Sarawak (UCTS).

